四 庫 全

書

薈 要•乾

隆 御 **免本** 事

欽定四庫全書替要 集部

詳校官候補通政司經歷日都非成



馬先生精於學遂於文熟於事少時為縣大夫郡邑長 而忘其歸也益世之所謂懷慨魁磊之士吾必曰先生 た AJ ヨ La La La || 為童子時則知有吳純甫先生長而登先生之門院 震川集老九 送吳純甫先生會試序 送序 東川集 明 歸有光

竹問行於方履笑詠相隨殆無虚日時有質辨剖析毫 有志於三代之治詔書數下所以修明千百年之發典 髮議論達起群疑豁如雲披雨霽天清日明其於天下 者必引而進之士之有志者亦皆歸先生每從嘉林修 為人言之人無賢愚見者傾倒自少年學子稍知向方)利害生民之得失常有隱憂於其間天子中興慨然 所推重當道者往往數息期以大用指日以望既而 抑頓挫者幾三十年先生自員陳偉不見施設獨喜

四日有一十二

卓然不為流俗所移者要不可謂無人也自餘奔走富 題官先生獨為諸生揖讓進退自若也嘉靖卒卯先生 之士莫不自見於其間而比年以來士風漸以不振夫 惟國家以科目收天下之士名臣将相接踵而興豪傑 而又惜其晚也然君子之論不施於早晚之間而施於 始發解於是將上禮部服王官有日矣皆喜先生之遇 不遇之際不以徒遇之為喜而以得所遇之為樂子

者不一事悉先生之所當言者故與先生遊者皆去為

完至日本 de les

震川集

爲官守日夜孜孜惟恐囊索之不厚邊轉之不亟交結 赫夹自喻得意内以侵漁其鄉里外以芝夷其人民 貴行盡如馳莫能為朝廷出分毫之力冠帶衰然與馬 恣睢之心監察之吏冠益相望莫能問也居無幾何陞 職守其黨又相爲引重曰被名進士也故雖榮然肆其 承奉之不至書問繁於吏牒旣送急於官賦拜謁勤於 擢又至矣其始羸然一書生早才釋褐而百物之資可 立具此何從而得之哉亦獨不念朝廷取之者何如用

而從事馬則猶機渴而飲食之也夫趨俗之去師師持 初先生與余論天下事予未當不竦然又點然有感也 意殿將富貴之地使人易脏失其守敷世之所倚重者 也障流沒於奔潰之日不可謂無力也以其向所言者 盡賴此華而如是彌望君子益以為世道無窮之意馬 之者何如爵禄寵錫之者何如也豈其平居無懸惧之 不遇也今先生遇矣得一人於千百之中不可謂無獲 以爲在位者皆以此爲心則天下可以無事然而先生

J. d. in 1889/

农川集

予謂先生不謂之晚而如先生乃可謂之真遇也若彼 爲之倡者一人隨者十人則固當有聲氣之同者若是 正之士諤諤夫諤諤非幸也然天下之事被不爲而此 昔者天下初定士之一材一藝成思所以奮起樹立以 也因書以爲別 碌碌者徒雖襁褓而未紫日唯諸於殿廷吾不謂之遇 相與持天下之勢君子又以為世道無窮之幸馬故 **克匹月全書** 送夾江張先生序 卷九

世之人材而賢者恒自下僚崛起卓然為天下之望蹋 寄者皆以自爱而不輕棄其身夫是以能鼓舞變化 前之令加馬故懷不肖之心者懼而不得逞有一命之 聞於朝而旌權之命加馬夕而為惡朝以聞於朝而誅 至天下之小官其名當達於天子之庭朝而爲善夕以 自見於世而上之所以致别進退激楊風勵之者靡不 無賢不肖率以資叙交馳横舊布列天下之要位以 無能之徒終身沉淪而不敢有分外之思承平既人 震川集

文色日本 上

勢利之所沮屈周知士之所急時以從容數語洞析 先生司邑之教寬和樂易不設防畛而介然之操不為 耳弗聞而獨以其意制輕重於其間公論在於下而上 掩護時得忠勤之衰至於仁人志士不幸偃蹇於早 行其恣睢之意窮閻之民愁苦籲告而扳援憑籍巧文 力以行其所志而家其思者交口賛頌上之人猶掩 知有識之士所以掩鬱喪氣而長數也吾師夾江張 而先生之爱士與士之爱先生不啻如家人父子品

生之賢宜得顯揮使出於格例之外而顧復奔走於常 之官上自公卿下至於州縣之吏其等級不知有幾而 長安者知其風土之不逮吾吴中而以爲憂又以爲先 有同州之命莫不咨嗟數息爲之編訪士大夫之宦游 之人自薦紳先生下至於市井之童稚皆知其賢題女 調是所以益抱無涯之恨而傷公論之未明也夫天下 則又鳥能知吾邑人之情之如此也哉予爲弟子員 之至於學官此豈有意知其可否而點防進退之者

髮川東

不能已者如此也 區計較於毫毛之間者非先生之情獨予與邑人之情 謂窮苦寂寞而無聊者而處之裕如未嘗有愠色則區 婦年老撫抱幻孫客居萬里之外先生之官又世之所 事先生於學官者四年見先生再遭子壻之丧孀女寡 西川子與余同庚也同業也又相善也今秋子爲考官 點而西川子以易舉為第三人子益釋已之憂而為 送李廉甫北上序

皮匹库全書. ■

易與之居終日無忤推其心於忠君愛國油然也而予 為西川子祭也西川子今又不若吾徒平日相與肆意 也予於是釋己之憂而爲西川子之憂西川子淳謹和 善一事之得天下有被其福者一言之否一事之失天 策馬廟堂賢公鄉矚目以待馬服官而執事馬一言之 侈志時有悖繆口耳出入而已有利害将不及於里開 下有被其禍者國家聚天下俊义冠冕而禄食之非以 西川子之喜雖然西川子將仕矣至京師天子臨軒而

首不自己者江以南其俗盡然每歲大比棘圍之外林 **髫戲以上皆能誦習舉子應主可之試居痒校中有白** 吳爲人材淵數文字之威甲於天下其人恥爲他素自 倦倦之心猶有不得已者西川子既束裝矣予病不能 立京兆裁以解額雋者百三十五人耳故雖方州大邑 言驗之也 新定四庫全書 **■**《 祖道則使人謂之曰異日子得賜告而歸予将以舊 送王汝康會試序 卷1

决也吾知其進於禮部亦若是馬耳抑吾聞之君子不 恒不能三四數至或連嚴無舉者有司以為恥若吾王 钦定四庫全書 道之用散於天下人與已而已人不知已不足以行志 言命以爲是舉若探諸囊中予頗怪訝其言既而服 子居留都下賓朋環坐王子每論及武事輕言文而不 相繼震耀於問里其疎屬不論也斯亦奇矣初予與王 子之家乃崴占其一人往年汝欽進士光州大夫伯仲 人以已然而譽人以所當得請言服官之道可乎夫

意事上澤下而達其仁於天下也自科舉之學典而學 私者其失則傲故君子有忠恕之術所以一人已廣德 已不知人不足以及物狗人以通者其失則流固己以 學也故口學之始夫是以不得於預養而倉卒從其質 以治官也偶優之詞不可以臨民也士之仕也猶始、 立望士亦曰吾事畢矣故曰士之終佔畢之事不 無賢不肖由科目而進者終其身可以無管而顯榮 仕為二事故以得第為士之終而以服官為學之始

其嚴也以為寬也若是所謂忠恕之術推而行之無古 必盡其情以振法必歸於厚其剛也似柔其直也近佞 難行夫豈其然乎君子之仕以任事必觀其勢以達志 而嚴者凌辞盡察而無所容如是而曰古今之變道之 者淟忍以自謀而直者嬌激而忘物寬者廢弛而自縱 之所近其柔者異懦而不立而剛者又好復而自用佞 灾至日事 & Ma 1991 ·故也益涵濡於三百篇中而其氣味與之相入則 《誦詩三百而可以授之政者非徒以博物洽聞 震川集

之方思欲得而用之皆取於是也是以其氣長而其量 平之情見而慈祥愷悌之政流矣唐虞知人之目教胄 宏井之以富貴而吾亦有以受之矣富貴之於人其不 至不能强其至不能拒故有以受之吾見若百川之注 入夫司安楊侯之年崑山也毀斥梵字創造書院進 海而不盈也王子與予有烟婭之親予故不覺其言 送縣大夫楊侯序

畆 若有失相顧慨數而言曰古之善為政者能合衆私以 成其公使為民者樂其教化之實而士者慕其禮衆能 光等數十人於堂時加訓迪不以政繁爲解衆方相內 頃者患稅籍之紊豪稍緣以飛走莫詰其端侯為之 私之故無不徧也侯有愷悌之政平夷静息民以順習 民相與私侯於田畝侯以學校修廢舉墜惟力所 出稅搜判伏匿深為百年之計是侯有大資於民 勵趙然有思奮之心而侯以徵書北上於是諸生忧

定日華全書一

震川集

呈藝較課而上下之無有所偏爱是侯於諸生無不至 之事不知者不可以言知之而不當其事者不可以言 者復相與私侯於書院則侯之行也獨不可以致其私 侯不鄙夷甄陶與誘深荷知已不倦之意而吾數十 知之而又當其事可以言矣東南之民何其憶也以其 而諸生相與私侯於學宮如吾數十人者之不肖 侯乎有光日稱頌德美非所以報知已也欲以一方 滞賢者非所以示廣也愚顧有陳於侯馬天下

欽 匿則官府之所已徵者也民何賴馬東南地方物產雖 升之栗而詔書文移不過蠲遠年之逋非奸民之所 而後無窮之求或可繼也比者仍歲荒飲主計者若 爾之地天下仰給馬宜有以優恤而寬假之使展其力 定四軍全書 而專官雖設漫無所省今民水旱一仰於天警之植 殷威而耗屈已甚非復曩昔並海之區惟賴水利蓋 經二大赦流離轉徙之民日夕引領北望求活於斗 然惴惴然懼有所滲漉有司之奏報日至而徵督日 震川集

禮樂|宮之費動以萬計有司奉意承命未嘗告之而獨 不肯分毫少捐以與民爲千萬年根本之計何也昔吳 而肘於後其不能如侯志者多矣天子興致太平制作 畝荒無處處有之雖以侯之爱民支左持右然掣於前 至而殘之惟恐其不極如之何其不困也今民流而田 **磅瘠之地散其雨露而牧之以牛羊益取之惟恐其不** 公治平爲天下第一史無可見之事而獨稱其薦賈誼 果者必有以栽培灌溉之而後從而收其實今則置之 國家之具而孔氏之書更減學破碎之餘又不復可以 書存學者世守以爲家法得以治心養性講明爲天下 自周至於今二千年間先王之教化不復見頼孔氏之 使註未用則註之策吳公必能言之矣愚以是私於侯 可予眾曰然遂書之 送何氏二子序

大小 日日 日 九 九

震川集

論天下大計乃知道之言必有以當吳公者由此言之

者夫誼以少年書生混迹窮巷吳公何以知之至觀其

背傳以從經規規馬守其一說白首而不得其要者來 然在干載之下以一人一時之見豈必其皆不能於孔 矣問有不安於是則又敢爲異論務勝於前人其言汪 之本意至於其不能必合者則寧屈經以從傳而不肯 氏之舊而無一言之悖者世儒果於信傳而不深惟經 而已而儒者先後行説作爲傳註有功於遺經爲甚上 其全其有足以意推而較然不感者不過什之三四 **恣肆亦或足以震動一世之人益漢儒謂之講經** 匹月全書

予以為聖人之言簡易明白去其求異之心而不純以 所云然二子要為知予而其志意非尚然者告揚子雲 予而去惜二子亦方有事於進士之業而未暇於予之 容講哉凡今世之人多紛紛然異說者皆起於講道也 寶子常以是告之二子未當不以子言爲然也歲養辭 氏二子自蕪湖浮江而來千里而從予於荒野寂寞之 儒者之説閱之必有庶幾於所謂什之三四者南陵何 今世謂之講道夫能明於聖人之經斯道明矣道亦何

飲定四庫全書 人

震川集

後之人奚暇論耶至雄之弟子侯艺獨知好雄書子非 作太玄以示劉歆歆號博極羣書予獨怪其無一言論 意甚美時又專委重臣經地物貢其法至爲纖悉此非 宣宗章皇帝時蘇州守臣以吳中賦重抗疏爲民請命 爲雄之學者而士之知與不知則干載同此慨也 玄之是非而直以後人覆瓿高憂顧於歌之意何如耳 時雖未及大有恢張以沛曠為之思而詔書裁減德 送宋知縣序

深言舊制之宜復爲書白於大府大府未能行也於是 不廢法威不病民承弊壞之餘稅辯而民以和而侯尤 以積故為更吳中者督賦為尤難宋侯之為崑山也寛 年矣税籍日以亂鉤校日以客惟科日以急而通負日 和之以爲真得變通之宜而三吳之民陰受其禍已數 以求簡便名曰未當紛更而實大變祖宗之舊衆從而 弊滋吏胥緣以爲姦議者不深惟立法之意務爲一 一樂為是繁碎亦因土之宜順民之性不得不然也歲久 東山縣

面争出供役而于侯之将行莫不悲哀如失父母奇矣 法之變而不善也不可不復或謂給更已定懼再更之 衰老而服鳥喙其亦難以父矣夫法之沿也不可易變 乎益國家仰給東南以區區一隅供天下財賦之半 難豈不大恃哉崑山之東鄙土齊而民尤貧均稅以來 **蹶益甚歲復薦機侯加意撫恤向之逃亡者鵠形** 今而力竭氣盡已不勝其獎又重之以紛更譬如 以徵書北上當為天子近臣得條上天下事此可後 **庆四庫全書**

財賦甲於東南唐以降繁盛極矣今爲王畿千里甸服 吳郡為太伯建國秦置守而屬之會籍追漢中葉人 富人哀此等獨侯之德政於是尤者其父老以予之寓 飲定四車全書 述其所聞見以赞侯之行云侯南陽人皆嘉靖二十四 東鄙也乞文以送之惜予之不文無以道父老之意獨 地太守比古寰内諸侯尤號尊重星紀分野環以大 月也 送郡太守歷下金侯考績叙代 震川集

科為材御史奉使持節風行閩崎天子憂憫元元思維 之賔奉符釆軺絡繹于傳舎名爲列郡隱然一大藩云 歲在壬子當報政之期於是清風徐來縣駕初發州縣 股脏之郡根本之寄畴咨在庭無踰於公俾以臨治馬 之貢繼縞茶約空方之輸三服官者不論也一歲中漕 海滙以具區原田沃美生物鬯遂水陸之珍包匭筐篚 委翰至四百萬鄉邑之秀鳴珮執玉接武天朝四方 以任是職者必天下之選金公以濟南名儒奮跡甲

爱之心至於上計述職得與文學法從錫宴賦詩而聖 得優遊其間慕尚前史猶良之治煦嫗覆育以達其慈 書優下用周漢增扶進律之典馬今承平日父吏治抗 節目疏暑雖賦役繁重而蠲貸之政屡下是以爲郡者 千石二百年來鴻名大德媲美前古稱於父老之口代 幸應物白居易之風散遠矣國家稽古爲治妙選良二 不之人然當天下無事休養滋殖界世熙治吏治寬緩 屬吏相率祖道於都亭某問覽問闖之墟緬懷前政如

た M 目 日 と 10 101

震川集

二百里鄉里晚進仰止德聞非一日矣今承之馬吏 天子是岩明命使賦公其有馬自惟生長濟西去歷不 肅詩日敬慎威儀維民之則又日古訓是式威儀是力 其宜也公於是時鎮以寬靜處以弘簡不震不竦能使 一安而下服之可謂難矣某常有事郡中望公進止肅 疆場靡寧韶使旁午責數年之逋員於俗奢民貧災 時通變之村其於上下損益之際未能調劑之不失 影察之餘寬之則廢上之供急之則傷民之命自非

周官小宰以聽官府之六計獎群吏之治一日廉善 能敬正法辯六者於吏事可謂盡矣而处以廉爲本益 口康能三日廉敬四日康正五日康法六日康辯夫 非康不足以樂群吏之治是故吏之廉者非獨無傷於 思哉是以與諸屬吏道其所以而書之以爲序 漢刺史入為三公之例舊之臺省則何以慰吾吏民之 與趙走之末瞻望德容每事依以為師法誠恐此行用 送郡别傷王侯考績序

飲定四華全書

吳爲東南財賦之藪歲漕之所入常以一郡當天下之 得馬亦一二而已矣孔子曰天下有道盗其先變乎天 者也雖偶有失馬亦一二而已矣貪吏之所出必以已 下有道則吏莫肯爲不廉此孔子所以謂之先變者也 所出不以已私與之則盡康讓之爲也能狗人之情 財而已推其所為無非利於民者也更之貪者非直 與之則盡攘奪之為也不能狗人之情者也雖偶有 於民財而已推其所爲無非害於民者也何也廉吏

渺之中而亦潜輸于刀筆筐篋之間矣自前歲搞李告 歲侵擾天子震怒數該易撫臣調天下兵屯海上師 拏攫利端無窮則吳之子女玉帛不獨填委于滄波浩 牛地大物卓號為殷富往者倭夷自外海轉入吳境仍 ·未撒警報不止尚未有息肩之日也故當以為欲外)年無功民既苦侵暴又有供億之擾更復乘時以爲 倭亦不復大至稍稍向北海以去民喻得暫息然海 利益蠻夷之禍固本吏治之所致追軍發繁無點稍 製川集

宣布詔條振舉綱維威爱並行百姓喁喁有太平之 子與二三大臣重惟東南之寄慎逐牧守得雲中溫侯 於吏治之良求吏之良者無他亦無總於貨寶而已天 冠之無侵害在於使民得安其生欲民之得安其生在 而廬陵王侯寶爲之位時屬邑長吏多缺計到官以來 涉五湖之區义者經年近者數月最久至於崑山百 以為非能屈侯以百里之寄乃復見漢世郡太守剌 郡之日少而單車往來遍歷所部東自瀕海旁緣大

页匹厚全書 |

飲定四庫◆書 ── 國家更前代樞密之制以五都督統天下兵弱守四十 美吾徒之職也遂書以序其行 之許以為是不能忘者民之情也而擒解以述侯之威 去也其能不威威以悲乎於是鄉進士有光等後於 侯於縣本非所望而人情独習反若所當然者則於其 史行縣故事而如親且父者也侯爲人清康不擾真有 部金暮夜飲貪泉而不易之操是以百姓悦而安之屈 送南京虎賁衛經歷鄭君之任序

衛之師天子之親軍也虎責益其一馬虎責氏自周有 步兵越騎長水胡騎射聲為八校尉虎賁中郎將挿雨 **微事四方以為行衛在漢則屬之光禄勲與中壘屯** 名而職掌無所異自永樂建都六宫百官皆邊於北 尾紗殼單衣虎文錦榜為武衛之貴選國家存其舊 '虎士八百人掌先後王而趨以卒伍守開宫門從遣 衛京軍分隸之而錦衣等上十二衛無所隸屬為環 |祖宫寢官司畱於南者如故而兵衛亦無攺馬依阻

知君故選轉之亟縣人雖惜之而不能弱也以君之才 機造舟于関越歲始還而京幕之機又至蓋以上官素 山在海上當寇衛君選練民兵教閱有法盜事未幾承 往騷動則留守百司亦有不能一日宴然者况環衛之 重寄乎臨安鄭君初佐太湖縣以能治劇調吾崑山崑 刺相過從飲酒遊山而已自頃海上之警江淮之間往 職務清簡而禁旅間靜無事其佐幕之官日乘馬具名 長江控引南北祖宗之慮遠矣承平二百年不特諸曹

ALL DE LOS LES

惠川集

|燕翼子願君以爲居保釐之任者告馬 同皇王維辟又曰豐水有也武王豈不仕治厥孫謀以 乃今部伍殘闕至無兵可補其廢壞之由與所以當修 舉吳原清海甸收聞越取中原拾宋报秦制趙核燕者 往赞我政其必有以自見於有事之日者矣抑定問之 所置十二衛四十八衛皆天下精兵皇祖所以仆楚 之故不可不思也詩曰豐水東注維禹之績四方攸 四月白十二 送太倉守熊侯之任光州序

家太平日久東南吳越之區山川秀美物產饒富民老 賊宜原其情故一切輕其法凡失守者皆奪兩官惟能 旦倭奴來海外憑陵內地則大江以南之州縣無不 得京朝官以去故天下士集於吏部皆指以爲樂土 任屬大将使盡其材能之所宜卒走智高嶺南以平國 死不見兵革更以期會鞭笞集賦稅而已不過三年

欽定四庫全書

在川東

風走天子以謂縣官素不設備而責守吏不以空手捏

昔儂知高反嶺南有衆萬餘人所過如破竹吏民皆望

動吏非素備娶城自守惴惴不能保當是時朝廷雖有 守當如皇祐之詔今熊侯守太倉太倉東邊海上賊入 命将而吏以罪罷去者時時有之議者謂宜賣守城之 事於有土之職而戰勝共武之服有將帥在也吏或失 野故城之能全者不難而太倉之城為賊衝其全為獨 惜之昔嶺南之賊敢於攻城而今海島之賊利於掠 者所刻落職馬光州固始縣兼官吳中士大夫莫不 即犯之如是者三年而城不陷宜在褒賞之科而爲

悍卒見之帖然不敢出聲此亦才氣有過人者而州民 文 Z 目 E C A TO 馬繋而猶以私意行之不知其何以爲心海上之役 興之際賞罰注措一舉手摇足之間而死生存亡於是 擾攘之際能從容以不亂羽書押至而安閒自若武夫 難而侯之賢尤者聞於人侯為人凝然有器度雖倉在 今三年百萬之師每戰輛姻原野暴人之骨川澤流人 的情以爲安者也天下無事使者乘勢作威福以升 州縣之吏唯其意之所之而民之好惡莫恤也若軍 震川集

日矣前年之秋賊乘西風歸島與餘黨數百人爲官 顧萬目所見侯先其未發使人擒之大吏處汗開門 血東南之禍亦修矣由其道而不變吾不知其所窮)方賊之初至有姦人爲間挾大吏以謀賺城登高 圍假息南沙或以為窮寇宜開其一角使者不從 與諸師固守迫歲暮諸帥皆去侯自度力不能獨 圍以歸賊得乘船而逸使者之所以劾侯以此 侯破散其謀賊又據太倉城其禍當不止於今

南無窮之慮所不能不致其怨憤之辭實亦州人之志 登臨爲樂窮五湖之勝已而受帥府之檄使還州募 一告謂予素如侯不可無一言吾聞侯待罪虎立寺日以 如此於是侯将行其素所獎技士州學生張元蒙等之 事夫南沙之青當有所分若姦人爲問乃侯之所擒 八自以無處色予乃區區若爲之自疏者益以爲吾 語侯薦其人於大吏凡所刺舉以好惡變亂失實 人父老前後數呼如見父母而侯以罷官臨其州之

定日華全書 ||

震川集

物 陽曲王公分守太倉序 卷九

陽曲王公爲郡之三年遷河南按察可副使治兵毘陵

尋詔以常鎮舊弁蘇松命公復還理所於太倉公職 師帥以文學飾吏治至是忽寄兵我之任而朝野無異

議若其素然者常以謂人材之於世其具有不同尚以

受命效職不過文書獄訟食貨兵戒河渠之事其治

注往亦多可觀然此特自秦以來所謂史事而已古之

我河渠之事而可以無所不通公起進士守河南某州 豈武力之未競所以治之之道未盡也昔任延爲會稽 不勞指麾而有餘裕矣海内承平日久一旦小醮内 以寬靖無事而治以此推之将屯百萬之衆可以知其 材淵藪公獎進人士孜孜不倦當兵荒形察之餘能 與諸生講論文學其佐大名亦然三邊至吾郡郡號 有非俗吏之所能者是以不屑於文書獄訟食貨兵 謂大任於天下要以讀書學古識治務知大體之為 製川果

龍丘先生那中士大夫爭往歸馬後為九真武威所至 其在毘陵歲不一見如旬日見之矣常恐一旦遠去而 者之於兵戒豈異事哉公以壯年名位日進身為大 校官興儒學而傲外蠻夷保塞匈奴種羗絕不敢出 尉聘請高行待以師友之禮遣功曹奉謁修書記 定四库全書 而問學如諸生此古大臣宰相之事也有光無所 以得所嚮依自公在郡歲一再見已如朝夕見之 世未嘗敢交州郡而公特加優禮雖孤栖江海之 間

欽定四庫全書 美以有光有一日之長又最知公者推使言之而爲序 夫皆往為賀執法門下弟子獨宜以文字贊述公之 及哉公提調所貢士王執法以公之至太倉也郡士大 乘運而起爲國家社稷無窮之計豈區區吏事之所能 光之於公如此凡士之於公可知也今歲禮部會試及 今返駕於吳益枯搞沉溺之中津津然如有生氣以有 明堂棟梁之材公所甄識猶或有未盡出者自此將 大廷魁天下者皆吳士公長有作成之效已見於此 大変し、泉

云丽 至當行時屬縣崑山缺令侯方署其事春年民便安之 也才不足以當其任與之百里之地踏踏馬常若無所 行之文不以有光無似辱使序之益天下之所須者才 而不忍于其去吾鄉之進士二十有四人按故事有贈 今年撫院奏行裁者悉送上部別駕蒲州段侯以海防 自東南有倭夷之警朝廷于額外增設官吏無慮百數 送具郡別駕段侯之京序

勝其恣睢之習民何以堪之益孔子之門論爲政詳系 取其果與藝與達者宜若非政之所先然非是三者莫 能得乎人情也故當論牧民者譬之操舟使之張則 All me and J. Lin W 也侯有通敏之才於賦籍兵瑣一覧悉記獄訟大 其握持膠固自以為能有所執而大者往往廢弛 之翕則翕以能得乎風與水之情也不然未有不 而不自知其明與力僅至於其小者而敬寒强戾不 不立决而取舍操縱皆合於情故自士大夫至問 製川集

此亦法之過也侯河東儒者每至库舎都講諸生服其 然人之即真也都还常行縣事亦何不可哉而必送令 又復為之別求乳母則過矣古之守令有假有守有攝 母馬其乳母或以他故去而隣母代為之乳猶乳母也 經學而其門人多貴顯於朝者先是數年問崑山令母 者治淮以治淮者治吳風土習俗夫豈盡同其達乎 小民咸便安之侯當令嘉祥矣又降淮陰矣能以治 也故嘗論牧民者譬之父母之生子爲之擇

吳民之福哉而繼侯署縣者别駕周侯又絳州人也 大 こ つ 101 と 1.1 君子其施於吾民者遠矣 固惜侯之去喜崑山之人又得侯同官同地者夫晉之 然者益平陽蒲坂先王遺教其君子有深思馬豈非吾 其賢侯今繼之又賢也今太守王公以盛德年少在任 縣惟王侯泰和人而三公皆上黨同縣崑山之人並稱 栗侯永禄任侯環李侯敏德王侯如瓚皆以別駕來署 公陽曲人而參佐以下大抵皆出山西一時之盛非偶 震川集 幸

方匹厚全書 西省治故長安周秦漢隋唐之所都昔人稱其被山 送陽曲王公參政陝西序

里雖三河天下之中王者之所更居然古今建都之形 無適關中者太祖高皇帝初定天下皆幸汗幸洛将 河四塞以為固而自汧雅以東至河華膏壤沃野千

践昕過皆空城千里無行跡而金陵廟祏已定遂爲帝

都亦其時與勢不得不然也永樂北遷而萬世之業定

本在生民非必其行在所當較念也長安治穰稱為陸 按察司副使分司江南遂晋是官予素受教於公轍附 未及三載考續之期特行點防之典於是陽曲王公以 漢京兆馮翊扶風之任也今天子哀憫元元作興吏治 之参知政事宰相之亞也扮循教化數千里之地非獨 之師保萬民寄任不輕也可有使其貳爲參政即前代 矣然以長安爲大省建布政司則前代行省之官益周 于古贈言之義以贊公之行益王者以六合爲家其根

震川集

海河山土地無改於昔今之處耗甚矣豈非任岳牧者 正公請城東京議者以為过其後乃思其言先朝丘文 兩渠勸農置官嚴修障塞積穀繕兵以收漢南之地漢 是時長安尚為京師而佑言已如此誠如杜氏計復此 至唐杜佑以爲大歷初昕溉田比於漢減三萬八千頃 之責子告鄭國渠白渠兩渠之競衣食京師億萬之口 莊公亦以幽燕迫近北邊而漕河易噎欲重山後之守 定四庫全書 一一一級豈不無幾哉昔宋慶歷初是時天下全盛范文

獨以迁愚之說赞公仰答天子之龍遇云 治吳寬靖文雅清廉慈爱吏民歌思之余不容以頌述 越中人多往來吾吳中以鬻書爲業異時童子鳴從其 京此萬世之慮也公蚤貴而好學方有志于經世而其 百姓殷富而漢唐河渭之漕故在於此以爲國家之陪 尋前元海運之法今以關中百二之險就使膏壤千里

先人遊崑山尚少也數年前戲冊妻江余過之子鳴示

欽定四庫全書

不復知有書矣以不讀書而為學此子路之佞而孔子 而古書稍出余益深歎其言夫今世進士之業滋威士 之意余尤念之當見元人題其所刻之書云自科舉廢 而子鳴以詩來益清俊可誦然子鳴依依於余有問學 所惡無怪子其內不知修已之道外不知臨人之 以其詩已能出人今年復來吾友問維岳見余爲 紛然日競于榮利以成流俗而天下常有之材之患 相與之舊謂子鳴放泊蕭然恨無以鄉之者戶

先生當爲余言廣東陳元誠少未當識字一日自感激 取四子書終日拜之忽能識字以此知書之神也非書 質之氣如卿雲輪国覆護其上被其潤者不枯矣莊渠 在山而草木潤淵生珠而崖不枯書之所眾當有如今 一能為神也古人雖亡而其神者未當不存今人雖去 之神物也人日與之居其性靈必有能自開發者 於書益歷能誦之余以是益奇子鳴夫典籍

古之遠而其神者未嘗不與之遇此書之所以可貴也

飲定四車全書 **■**《

震川集

裁於不自振今欲求古書之義吾懼其愈窮也歲暮將 雖然今之學者直以為土梗已耳子鳴當古之書然且 往錫山寓舎還歸太末書以贈之 養為急徘徊都下送予出崇文門外謂當得官浙中因 然又数不果今年始得處之青田青田在萬山中足 與承式同舉於鄉試於禮部皆不第而承式獨以禄 余遊錢塘西湖遠則在天台鴈蕩之間欲爲東道主 送狄承式青田縣教諭序

與景源及麗水葉景湖龍泉章三蓝四人首先應聘而 定公得黃勉癬之傳其後有王會之金吉父許益之世 **飲包日華 至書** 充皆出晉卿之門高皇帝初定建康青田劉文成公實 其同不同何如也浙東道學之威益自宋之季世何文 稱為發之四先生益之弟子為黃晉卿而宋景濂王子 有自得者今為人師不容然默亦將出其所有以考論 教為致良知之學承式為人敦朴飲約不喜論說而中 农川集

以讀書該道優游自適而浙東學者近歲浸被陽明之

華豈盡謂之才賢得人耶以颐專區區二百年有文成 或者逐目爲深山荒絕之區而不知假令縣歲貢數 夫不知兵一旦邊國有警束手無策徒望之勇猛强 與禮樂定制度建學養士科舉之法一出於宋儒其淵 至當是時居禮賢館日與密議浙東儒者皆在益國家 之人如此則古所謂合射獻敵於學官者何事耶文成 公為帝者師不可謂之之人也矣天下承平日久士大 之所自如此近歲以來處之科第至闔郡不見一

者矣 迪之将見括蒼之士必有文武忠孝出而為國家之用 積二百年當有發者况以先王之道六經孔孟之語 之里而與其子弟游能無慨然有感矣乎夫山川之氣 文武大畧且未可以一鄉一國之士縣之矣承式入公 擒殄山寇卒以保障鄉里翠全城以歸興王之運其 送熊分司之任滇南序

אול אול ל לבני כי ליי

製川集

以書生當方谷珍起海上毅然建勒滅之策佐舒穆雪元

其官制簡者其民必靜其官制繁者其民必擾而法當 守與公雅善公曾厚恤其家且以受知于公人以州 擢 其間古之道未當不概慕而欲追復之也漢置郡太守 自簡而趨於繁人情非好為自用以訾毀前古而必以 之懷公也屬余爲贈行之序夫官與民利害相係父矣 雲南布政司右参政州學生張端復其先大夫思 靖四十一年秋焦公以河南按察司副使太倉兵備 的為為是特出於因循變易不覺日與古異趙至 四月五十二

灾

當東南之寄稍遷郡丞遂以按察司臨制諸郡議者以 常有而郡國寇盗所遣大將亦絕少令制州郡之上命 太倉適有倭夷之寇廷議以公寛仁直該遠通畏爱可 不過代郡行事而己江南為截輔近年以来復以省司 頗設剌史監之或臨遣光禄大夫博士循行天下然不 其屬有都尉典兵禁備盗賊亦時省罷併職太守其後 日增以故職司不能有所展往往監臨無應數人皆 制内郡非祖宗之舊益權時之宜云公初以進士守

钦定日事全書

震川集

爲官制雖變古而公以一人歷數官皆民事兵馬之職 官任職島夷不再侵瀕海清宴此明代刺史郡守之明 爲名入內臺之地即滇南不可久矣抑令制常以部院 爲泰山祝良為九真而張喬為交趾刺史之比自公居 而終始不離太倉之境如漢加魏尚爲雲中太守龔合 大臣循行天下吳民望公再駕如往時周文襄夏忠靖 不能復留為恨余意廟堂以公資望既高姑藉此以 也於是公在吳十有二年始有滇南之擢吳民咨嗟

葉榆西洱之間無犬吠之警直臥以治之而已矣詩曰 君子來朝何錫予之雖無予之路車乘馬又何予之 里而公楚人也自巴點以西無隔滇道者今其地風 **泵及黼又曰樂只君子福禄脫之優哉游哉亦是戾矣** 如前日之任公者可謂得古之遺意矣滇南雖去京並 淑四時景候如春而花草妍麗中州無有百姓安樂 臣雄新庭改及民所宜雖官制不必盡合於古而 公吾知滇之民不能與吾吳民爭公也今天子二二

欽 昔者先王以道術教天下自周之盛時詩書禮樂以造 余日以望於公馬 定四庫全書 送計博士序

士益其來已久而後孔子修而明之所謂博學於文者 日教人以講學者非能舍乎是而别求所謂道也其弟 博此而已博而約之以禮所謂一以貫之者也孔子平

既没各以其所能教諸侯之國世主亦知崇尚之益於

子身通六藝者七十有二人可謂彬彬乎其威矣孔子

會天子親制臨决馬益秦漢之際六學殆幾於絕然猶 都遂有十四博士太常總領之當其威時石渠白虎之 之武帝表章六經置五經博士其後世加增廣迄於東 是時始有博士之官遭秦滅學其官猶不廢漢得以因 行於魏晋之後而梁之皇甫临褚仲都周之熊安生 廷之官世有變更而唯博士獨常置賈馬王鄭之學 亦賴之以維持其所關係豈小哉漢以後數百年問 存而復者天之於斯文若有陰朝於其間而國家運

ż

3

mat to thin 1

震川集

士名當世至貞觀正義之行則前代諸家不復兼存而 商之功夫古今取士之逢未有如今之世專爲一科者 然自太學以至郡縣學學者徒攻為應試之文而無講 今頒之學官定爲取士之格可謂道德一而風俗同矣 其說始歸于一學者徒誦習之以希世而唐之儒林衰 沈重陳之沈文阿周弘正張識隋之何妥二劉皆以傳 也苟徒以應試之文而未能明其所以然吾恐國家之 宋之大儒始者書明孔孟之絕學以輔異遺經至於 四月白世 卷九

出乎此夫天下學者欲明道德性命之精微亦未有 為應試之文而徒以博一日之富貴士之所以自為者 君之賢庶乎有志於舉博士之職者爲序以贈之 寬仁化導學者未一年用高第入為國子博士余數 亦輕矣知其所以講誦而求自得之則雖孔子之教不 於士其用之者甚重而養之教之者猶未具也夫苟習 六藝而可以空言講論者也柳州計君之來教崑山

震川集

十五入大學學先聖禮樂而知朝廷君臣之禮其有秀 家文治熙治宇内萬里士無避通旨通明六學彬彬 出為王國之用故先生來自續表司教圻甸今又進防 四百餘人從兩先生祖道郭門外而請予為文亭之 全州蔣先生教崑山六年入為國子助教崑山之學者 侯歲貢少學之異者于天子學于大學曰造士而後爵 異者移鄉學于库序库序之考異者移國學於少學 天子之成均以其教於一邑者推之天下可知矣古者 鱼定匹库全書

其說以古之明明德于天下者必始於格物致知誠意 自宋之大儒以戴記所載大學篇為古大學教人之 正心修身齊家治國而後天下平其爲格致之論 教養之制不可復詳而遺書之存者猶可以知其 命馬今州縣之貢舉近古進升之法矣而太學之官 定四事全書 取郡邑博士之高第夫豈亦因其意而為之歟三 以為教則所以為治國平天下者果何道也天 而近世之說乃又有不然者夫學於太學而 震川集 季

之士方謹然以爭矣至以前之所為說者以應有司之 石渠白虎之論是乃所以一道德而同風俗也天子 至於都授大會異同紛紛務求其是而不主一偏故有 之言有非一人之説所能定者矣漢之儒者號為專門 無與馬豈不悖於建學立官之意哉今世貢舉之 稽古數十年來郊丘宗廟明堂之禮多所裁定而車 以其所自為說者為私門傳授之與旨而有可 定之說徒習其辭而已尚求其意則六經聖

制禮作樂鎮撫四夷之具也予太學弟子也故於先生 習其辭者以應有司之格馬非所以與四方太平之原 仰體天子所以崇化厲賢之意而徒得猥瑣流俗之徒 於選懷之議而月書季考非所以作成天下之人材 駕親御太學者再矣而予獨疑今之六館之條格猶幸 行而私以質馬

にこうシューニー

製川集

金灰四月全書 震川集卷九 卷九 飲定四車全書 !! 他同年聚會尤數亦時以德業相考而知其志意之所 考校同為一人之所取者既於主司有師生之分誼視 凡進士同年相善而同門尤加善馬同門者主司分經 贈送序 震川集卷十 送同年李觀甫之任江浦序 震川集、 明 歸有光 撰

带水所隔而凡為其令與其民者朝夕從事京兆渡江 終不能自己乃遂勉為之惟江浦為京縣然在大江以 受命為江浦令故事同門外補其留京及未選者例當 芬芳之解余固拙者之尤且不能為世俗之語而於情 浦以為兩縣而屬之京兆益以畿輔重地不當為一衣 西故時六合隸於淮陽高皇帝定馬特以六合分為江 分撰文字以送之而余得李君夫為文以送行者必有 極如吾李君者怕恂馬可以知其器識之遠大美於是

所在獨悉民貧而上不之邱財力大屈而斂之不己能 民之所當嫗扮數京輔之邑之所當封固數夫今天下 命以及君者豈不謂荒菜之土之所當懇治欺彫無之 道而神州赤縣其地固不為輕矣獨以君之才宜得望 亦有以其地之難而擇才之優者以界之則今江浦之 劇顧屈就於此益今選人之法有與之難地以觀其才 以為常余嘗北上出龍江闊渡經行具縣縣朴陋不類 以南然自此而西北行至滁州涉清流關為建康要 Last - mile

吾見三年報政以治行徵為天下最者其在君矣 病何獨江浦即江以南號為天下膏腴令亦近貧瘠矣 其意未嘗不在此畿輔以重根本也顧今天下縣邑疲 知所以生之之道與具取之之方雖儉陋之邦亦足以 又將數年殆不可為此今日守令者之責也李君勉之 初定之時當從民屯種和州等田矣又數賜民田租矣 收富庶之效如江浦者尤宜休養生息之者也當天下 定四庫全書 送同年丁聘之之任平湖序

官以去是所謂同榜者亦若率相值而已此余於諸同 部升堂祇揖而退卒無所事事而當選者亡何又各得 六人而五人者選入史館今夏首選凡若干人皆得外 年未嘗不數其相聚之難也是選也能陽丁君得嘉典 補夫同年而又同部宜日相聚以觀其德業然每晨入 百九十有四人既分曹則余所同工部辦事者四十有 後分送諸曹各隨所隸以去謂之辨事今年賜第者三 進士同榜者其始數百人常相聚自春官進於家宰而

钦定四事全書

表川集

來民間未當放放而水旱之災蠲貸之令亦少矣又經 來以為當然固無望其滅而獨畏其日加也歷三紀以 難矣田祖之入率数十倍於天下然父子祖孫二百年 縣其後乃割於吴然風土民俗猶一也余故吴人敢以 不以賦稅之難夫以天下財賦悉在東南欲其辨集誠 其所知者告之凡今之選為令其中者人之憂之未當 之情如此嘉與本古會務吳郡之地唐時猶隸蘇州為 之平湖故事同部送行余次當為序故余道其於同平

委曲於其問此令率之所宜留意者也余歷觀前政有 子朝夕見之亦何忍使之逮繁鞭笞流離僵仆而不之 之骨脂也凡為大吏其勢與民日逐一切以複解為能 菜姦蠢之所積通與今權宜一切之征求謂宜有調停 民之疾苦非有關於其心也若為令者則民皆吾之赤 江淮以南益縣然矣軍府之乾沒動数百萬此皆生民 邱也夫領供之數固民之所樂翰者其他水旱流冗荒 島夷焚剽之後海上之成不徹而加編海防嚴增月益 見りま

鱼灰四库全書 者而其急於催科者其功名反或不速然則獨以催科 不以惟科為事而事亦未當不辨集往往為大官以去 矣夫如是天下事夫何爱其難余固為吾丁若告亦并 為東南之吏告者其流禍於生民多矣傳曰如保赤子 而刀及無厚以無厚入有間恢恢乎其於游及有餘地 心誠求之雖不中不遠矣莊子論解牛日彼節者有間 以為諸同年之吏於東南者告也 送同年光子英之任真定序 老十

飲定四庫全書 成安若派水上楚威振天下及漢破楚垓下以得淮陰 戰處而不可得真定本古中山國趙武靈王胡服騎射 **陸建大將旗鼓鼓行出井徑口與趙大戰破虜趙軍斬** 兵諸將皆從壁上觀楚戰士無不一以當十楚兵呼 讀史親項羽救趙諸侯兵軍鉅鹿下者十餘壁其敢 北器地具事固己偉矣典千之南劉石慕容行秦繼 動天諸侯軍無不人人惴恐韓信以兵数萬東下井 淮 陰之功始此皆在今真定之境當欲一至觀其 震川集

晉夫山後諸州則真定遂與契丹為境其後金人陷兩 自大壁貞元以後強藩不制而成德一軍尤為騎悍天 河二路尋亦不守而國事不可為矣國家今為畿輔重 下視河北岩回鶴吐蕃然益不為王土者百年宋因石 起蔗趙而慕容道明建國都於此固亦一代之雄也唐 有所俯首是伏而終不能以帖然也益古所謂聽悍不 而太平二百年議者以為其悲歌慷慨之習已大變 不知無趙之人出於其性然者獨以朝廷威靈

業比古京北馮翊扶風之地非得良有司村循教化無 夷宋没两路國逐南渡况令異衛神京為萬世帝王之 豪傑力戰之區而姦雄竊據之所都唐失河北勢日陵 以使之安土樂業而壯國家之潘衛也今使驛之所出 不可忍而驗悍之性乃得而見耳夫以中山之地為古 可制者其平時未當不免首畏伏及其一旦激於其所 三關之成守順邊徽之供億謂燕趙之民在的屏息而 兵調之所加坐派日增民生慶耗甚矣而議者徒思重 見川集

鱼鱼定四庫全書 獄之事余無足以為君贅矣 能制一方之命余以是為光君告馬君與余同年進士 今選為真定府推官者也與學通材為人聰明仁恕行 可休者亦未之思也樂城韓山童之事可以鑒美令制 安定孟與時與余同年進士而以余年差長常兄事之 余好古文辭然不與世之為古文者合與時獨心推讓 府佐郡治獄然常為監御史之所委寄而監御史實 送同年孟與時之任成都序

欽定四庫全書 天 趙之部當慕遊西北顧無蘇而至與時自安定往來長 自古論刑取其要惟有静之一言為至此真聖人之語 之或哉此今世所用孔氏書語也而伏生今文以鄉為 道前世論刑之說詳其余讀尚書古文欽哉欽哉惟 越中將別無以為與時贈者惟推府為郡司理儒者能 '出於其意誠然也與時以選為成都推官余亦為令 漢儒傳之而太史公本紀云惟刑之静哉静即益 以是為與時告馬余生吴中獨以應試經行齊唇無 雲川集

為司理而韓魏公為守當告以君年少當讀書不宜專 安中又從太行山以來京師今又官蜀中行印都九折 孟節在史館難得嘉靖二十九年唐騎薄都城公卿會 坂覽劍閣石門之勝豈不亦壯哉昔王介甫初仕大石 其士之仁者往時張文隐公當為余言今時人材惟趙 無忘學古之功孔子日居是邦也事其大夫之賢者友 已而韓公之意則美矣故余於與時尤望於吏治之版 以吏事而介甫實未當不讀書也以此恨韓公為不知

故為文隐公所知而趙光主以是亦知余顧無緣一 文配日 日 二十二 時之獲見先生也而又以喜與時之得師也 士業於未氏之書頗能精誦之然時虚心反覆於聖人 之士之相知豈在於見不見哉然余懷之久矣而美與 余始五六歲即知有紫陽先生而能讀其書迨長習進 孺所不及者京師人至今能道之趙先生成都人也余 廷趙先生獨申大議至廷馬阿黨風節凛然有汉長 送王亍敬之任建寧序 震川集 見

一二君子乃起而爭自為說創為獨得之見天下學者 顧二先生一時所爭亦在於言語文字之間而根本節 於離析附會者然其大義固不謬於聖人矣其於金谿 方主張之自九儒從祀天下以為正學之源流而國家 之本肯則於當時之論亦未必一一行合而或時有過 取士稍因前代遂以其書立之學官莫有異議而近世 日之大未當不同也朱子既沒其言大行於世而世主 來論辯然不能有同後之學者分門異戶自此而始

飲定四庫全書 🅦 當世貴顧高名者為之宗自足以鼓舞氣勢相與踴躍 於其間此則一時士習好名高而不知求其本心為逐 者所為終身孜孜不怠者求仁而已其後子思為尊德 皆倡一而和十剿其成言而莫知其所以然獨以先有 相與立為標職號為講道而同時海內民立迄不相下 明絕世之姿其中亦必獨有所見而至於為其徒者則 不見知而不悔之學則流風之與也夫孔氏之門學 姚之說尤盛中間暫息而復大昌其為之倡者固聽 震川集

孩提之童自然之知能如此即孟子之言性善己盡之 固已路後世之紛紛矣至孟子所謂良知良能者持言 **寬栗之類也獨用揭此以立門戶謂之講學未陸之辯** 思明辯馬行之實而罰然以求名於天下聚徒數千 學者為仁之功欲其全體不偏語意如畢陶所稱直温 性道問學之說而高明廣大精微中庸新故之目皆示 謂之講學以為名高豈非莊子所謂聖賢不明道德不 何必偏揭良知以為標的那今世不求博學審問慎

朱子而朱子平生立心行事與其在朝居官無不可與 数百載之後亦有余之自信不感者也 之一否也奈何欲以區區空言勝之余友王子敬奉進 一天下多得一察馬以自好者也夫令欲以講學求勝 [弱紫陽之祠以辨香為余點致其祝俾先生有神 得建寧推官余故慕遊朱子之鄉而未獲者忻忻然 從之而不可得因告之以凡為吏取法於未子足矣 地對者講學之徒考其行事果能有及於未子萬分

シード

嘉靖乙丑吾崑山之士武南宫得薦者四人余與王 然留京師已半載忽當秋候凉風蕭風起視中庭明 家迎太夫人之任敬甫當得內署而余官內外未定 試更與敬甫同待選而子敬先有建寧之命便道還 子敬陳敬甫皆賜第而王明德請告以去余為都水 還也音潘安仁作問居賦以太夫人在堂不能違膝 月悄然不寐分與敬甫同有思家之感美子敬之早 送王子敬還吴奉母之建寧序

欽定四庫全書

- C 2. 3 Lot. 2. A.S. 1 教不欲其在北云吾少生長京師北地風土尚能識 得侍養人子遂志無如此者初子敬辭太夫人當奉 京兆尹每行縣錄囚徒還其母報問所平反幾何其 山水之間不減安仁版與輕軒之奉也漢為曼倩為 水之勝太夫人所熟聞今遂南行之志將倘佯武夷 又子敬之舅雍里公持憲入閱當為女兄道粤中山 之汝即官南方吾雖老當從汝行而子敬果得今官 下而遠從役意以為官者妨於養也今子敬榮還又 震川集

金灰四月至言 張子忠之令南昌也孫子奇趙元和與凡同事於禮部 子多有所平反母喜笑為飲食言語異於他時亡所 奉太夫人以孝道率先随人而其治獄内奉慈訓必 出即怒為之不食故為京兆為吏嚴而不殘子敬之 能不观古人而太夫人亦將逐與馬母流芳名於百 是歲八月朝日也 世矣子敬之行敬甫與余出錢崇文門別而為書此 送張子忠之任南昌序 卷十

患不知道而不能愛人夫不知道而不能愛人其為鬼 其一言以盡之者曰君子學道則爱人而已今世之所 言不一然皆為政之道而於為政之事未曾及之而求 者二十有六人於其將行相與錢之而屬序於余凡居 瑣恣睢之徒固不足言至具有所樹立號為能吏者不 益音夫子與其門人論政載於論語之書甚詳雖其為 過徒事聲跡之間一時赫然烂然衆人以為美而天下 之為處者送行者之詞也余又辱與子忠善因不敢辭 震川集

之元氣日以耗而有不自知者世亦何賴於此故學道 而能愛人不當復論其水土之風氣與夫時之變化而 為運弗友之剛克為變友之柔克為沉潜之剛克為高 為立為恭為敬為毅為温為廉為塞為義為平康正直 其流之所至不能預期也君子能為道而已至於為栗 為潜為滸為沦為洵為沙為濱為汧為氾為淪為淫惟 無所不可辟之水能流而已至於為灘為港為瀾為波 明之柔克惟其道之所至不能預期也夫非特令於楊

一入為九卿為天子之宰相宜也令南昌三司治所大吏 飲定四庫全書 **■** 然不至於姦乎財賦不若吾吴之繁重而上供之不可 當執且又獨無所以感動諷諭之子士大夫登朝着與 粤之間宜也令於齊唇蔗趙泰晉之間亦宜也雖至於 之禮乎具民好計以訟懲其狡猾矣獨不可使吏治然 又獨無至公大義且於道德之重者不可隆南州高士 其居於鄉者繼踵接武裁以法逆於情通以情飲於法 鎮壓於其上可以抗而或有所當水可以隨而或有所 となり集

定之功今忠臣廟在馬然二百年來強藩不軌蠻夷竊 發江湖之盗無處不有而議者以今日三廳多警惟江 散安土樂業如渤海之政乎昔太祖高皇帝建都金陵 者道而已矣吾聞安成有鄒祭酒吉水有羅諭德方居 右晏然以是為子忠喜是猶以劇易利害言也吾所言 與偽漢爭天下諸將血戰堅守豫章以挫其鋒远成底 江湖盗賊多有殲其魁傑矣又獨不可使聞教令而解 廢搜其隐匿矣獨不可恤其 災害而 蠲以與民乎地介

吾可以賄而求仕耶即往而責價於其民可耶遂拂衣 欲就選時有傳權貴人語以某地其官相許者子達日 陳氏在吾崑山家世以科名顯子達前年試南宮不第 以歸今年試南宫以一字夫格不得終試遂復就選適 深山講明聖賢之學子忠試往而質之必以吾言為然 銓部政清請謁不行或有以中人為地者率置之蠻徼 送陳子達之任元城序 とりま

新定四庫全書 荒遠之區天下士集京師皆以為朝廷清明太平可望 而子達得為縣大名之元城元城賦輕人朴雖在三河 草時具緣放而主人不問觀其牛羊之贏茁而已矣今 百里付之故譬之為人牧牛羊為之善其牢易擇其水 難非難於其官而難於其為其官之上者自音置令以 因其土俗而無撓之易以為治而余以為今之為令之 之間於今畿輔地獨僻遂仕宦者得此以為清爲子達 以一令而大吏數十人制於其上牛羊之贏茁不問

欽定四庫全書 而子達方有志於為民而為其官之上者無幾或少變 馬且以告其為其官之上者也 前之為者使之得盡具為牧之事余於子達之行有望 責欲左而掣之使右欲右而掣之使左以牧一人而同 而難於其為其官之上者令天子委任元輔作新吏治 日夜以水迎其上無餘事也故日令之難非難於其官 其主十人而主人各以其意喜怒之凡吏之勤苦焦勞 牢弱水草紛放之事不使之為也而煩為之使苛為之 震川果 土

天子親民所為臨軒顧問者 墨綬進賢两梁冠其選即 秋千石至六百石減萬戶為長扶五百石至三百石皆 伍两貳之屬也至漢仍秦制為郡縣縣萬戶以上為令 先王建官必有收監参伍殷輔長兩正貳而上大夫受 有丞尉扶四百石至二百石是為長吏百石以下有斗 縣縣邑之長日尹日公日大夫其重古矣益亦必有參 食佐吏之扶是為少吏是知令丞尉皆長吏也夫令為 送毛君文高之任元城序

Ķ 為人謹厚住以佐之必和而能濟也元城之民其有賴 君文爲今往為其丞子達剛直不阿遇事發慎而毛君 逸令過丞規之令不及丞輔之則令之於丞其可輕也 凡縣之事丞理其繁而令得以蘭丞劾其勞而令得以 輕則丞輕矣而令又往往恣睢傲誕自輕其丞者何也 余友陳子達受命為大名之元城餘三月兵而晚城毛 AND OF MALE AS ALIA 余觀郡乗自古遊官魏郡知名者不少其在元城樂 震用集

為州牧刺史丞為其佐亦不輕矣令制重內故令輕

子之四子先子之名日梁日棟日村日柱後果生四子 廣以令李若水以尉仇覧蒲鄉一亭長耳而漢史傳之 於神而生者良有之今毛氏之後世尚當有人而毛君 命以其所命名其事頗異梁者即文高也信知古稱禱 酹酒於三清像前日毛某善士今喜拾內新此觀願天 無子當捐貨修具縣之崇惠觀其上梁之日縣令親為 毛君其亦可自輕其官也哉君之先人樂善好施晚歲 之為丞生有神行其必有異政豈可輕也哉

其舊而稍省具員額兵部尚書預掌留鑰寄任持隆而 都兩京並建如古鎬洛之制百司庶府之在南者悉仍 誼久矣况其情之倦倦爲得無言己乎國家自永樂選 野之人又不開於世俗之文其何以辱命然聞君之高 北上陸生為君請贈行之解且致君之意甚勤余固鄙 在嚴都有察案之舊陸主是以得從君遊君將以考續 為部吴君之先憲副公與吾郡陸生鳴鑿之先大夫同 送南駕部吳君考續北上序

飲定四庫全書

震川果

之安於今且二百年通者营卒庫噪極其猖狂幾如元 帝以兵定天下敵百萬之師於神京國家晏然有泰山 機於環衛之間非持掌與董車來那驛底牧而已高皇 古光禄勲之職領五管七署之事所以佐大司馬萬兵 之久則憤憾而思有所一出此固其勢然者於是欲求 車駕清吏司得以揀選上十二衛之騎勇朝衛皇宫益 所聚統取者或不能知其情人之情不能知其蓄之 神策虎資羽林之禍朝廷紀綱所繫不小矣夫兵衆

· 文型日 · 杜 · 杜 · · 向之所謂情不生於情而將生於習彼以其一旦憤憾 其情而加慰勞之彼方自以為得而安於自己如是則 不起於微唐中葉始於平盧一軍之亂當時不折其并 使又無所懲而效之則吾未知其所止也天下之變無 而後安此邊疆之患四肢之虞也今京董腹心之地惴 遼陽之師嘗囂矣撫之而後安雲中之師又貳矣撫之 之氣而狙之以為習國家可一日恃之以為安哉異時 如此然又鳥知不以異時之事無所懲而效之也如 震川集

意而臨事有制如此故能使河北三鎮畏肠而會昌之 弁主留事議者頗言兵皆可罷德裕遽越王進起榆社 前酿成至於五代一百六十年不可除之痼疾武宗時 稱美於世益天下善者能制其機贏縮變化無所不 所以可慮也陸生言君勤敏於吏事凡監牧舟艦諸 獨患因循不决係於目前之無虞而制之不出於己 斬弁獻首京師而澤路亦平您裕之為相不盡滿 潞擅命李德裕請討之而横水戍兵叛入太原奉楊

欽定四庫全書 一 為其求者皆非古之所宜有益古之士上之人知重 今天下之用人典士之為天下用與古異者其求之與 機替於廟堂矣余何詞以助之哉 然有至於今而不可易者亦常有自重之義存乎其間 也故士亦有以自重而不輕於進令世則自進而已雖 餘余以為此得君之粗者令兹北上必能以天下之大 蠹敢多所釐革而親王之國魚兵工二部之務沛然有 送周給事與叔北上序 E.表

至於百里奚自鬻亦深為之辯孟子以為百里矣之所 就小矣猶不肯自罵以成其君夫苟至於自鬻雖五伯 尹孔子益力攻當時好事者經聖人以成其前進之私 之業不可為也由是言之士之欲托於功名而苟胃以 學者守其家法雖至於千百年未當變也孟子之於伊 終以不可為而止則孔子孟子之所以自重者也後世 用其道而孔面固未能忘情於斯世亦與之相驅馳而 而後可以任天下之事益孔子五子之時世已莫知尊

大臣之在告者非有召不得入其非三品以上凡在廷 會新天子即位一時雲集闕下莫不縣致顯耀與叔宜 門下與叔即引疾以去先皇帝之末年朝廷方舉道近 令江南入為給事中時宰慕其名頗示意音欲邀致之 未赴闕也而除書獨下於是乃應命而出與权可謂得 之臣賜告者皆自赴関而後天子命以職二年冬與叔 以時起以觀天子之新政而方且高臥自若國家故事

進者雖自能以有所成亦經矣臨安周與叔以進士為

吹至日重 A 書

震川集

古寺中讀書者文山深徑近人迹所不至臨安會城士 事中為諫諍之臣天子既嘉獎直言人得以有所建論 古自重之義矣余官吴與往來臨安嘗訪與叔於西湖 後可也自古如賈誼陸費王吉崔寔魏徵之徒其言莫 其言之易行如此夫以其言之易行當思其言之難而 每下之公鄉大臣亦不逆其言每奏販行益遭時聖明 大夫皆高尚其道今與叔之出真能自重不苟然者給 不有關於一代之治體今天子承統繼祚屬世道一變

金定四庫全書 生受命司考校所取士三十人天下以為得人未幾以 之云 太史余先生以進士第三人入翰林今年南宫武士先 意某自念方徘徊於進退之塗未知所裁何足以貧與 叔之行顧平生受知最深而樂與叔之道行也因為序 之會天下治忽之機與人心風俗之所趨與叔獨居深 山中熟觀之久矣其必有不徒言者以稱朝廷任屬之 送余先生南還序 震川集 Ī

養之者而已矣今之館閣其未當當天下之任也夫自 考古人之書自聖人之經以至於諸子百氏之說古今 子之得位也觀其所施於天下其未得位也觀其所以 之南行也謂宜有文以送之以齒序屬於余夫大人君 治亂之故無不盡其心則所以為輔相者具矣而後 命之微皆有職業獨以為輔相育材之地於天下之 無所紫其思慮使之虚靜紀明以居其德業而博 考推封其父母尋得予告還鄉所取士於先生

不自 吾余先生於其所取士與之處未當不那 年少同登第入則同館出則縣響其氣冲然如有所 惘乎其如有失也其日建先生之來也夫士以一日之 足其貌粥然如有所不能汲汲乎思有以進於古人而 閣之意也余至京師見先生與吾郡王太史先生皆以 旦界之位以當天下之任無不宜也此國家所以儲 而進之惟恐其不可及也所取士於先生之去也 知其地望石位之崇可以為大臣宰相之器矣 Į 見りま 那乎其喜也

兹不敢具述者益為序以送行者諸君子之意也 生之所識拔天下尤以此多先生其感恩宜倍於尋常 於陸公以為其門人可以無處余久困於試而特為先 士亦欲得主司之賢以為歸韓吏部稱陸相之考文章 士大夫於出處進退之際常自度於其心非人之所能 也甚詳而自幸在選中以吏部之高視一世顧亦自附 相遇而定其終身之分非特主司之求士欲得其人而 顧太僕致政南還序

鱼定四庫全書

飲定四華全書 題 所無以議為哉然使其心有纖毫於其中而去乃亦其 其事韓退之又稱之以為送楊少尹序亦以具見當時 所以為高家者也疏廣受二子以年老解位漢史具述 以高潔而已豈所以語出處進退之義而為知道者之 何嫌於不去而必以去為萬潔哉今世論士之去位徒 之周召二聖人在位周公之為召公猶召公之自為也 日居也至其無所不安雖召公之吉老周公猶諄諄留 震川集

知人亦不得而知之夫其心有纖毫之不安不可以

吾猶以為未能完出處之義而自度於其心非為論之 言也退之之於楊侯亦然而曾子固之送周屯田直以 叩之知當時奉使勘蜀事能為朝廷不別疏骨肉得大 得釋於煩且勞以為樂夫士大夫致身國家豈獨以能 餘年間與之言居官時事報笑未嘗自道及在京師始 精者余與太僕顧公少相知公之為給事中放發二十 自釋於煩勞為樂耶班與韓曾之文世皆以為不可及 之人能知所暴爱二疏者而二疏之所以去面堅不能 吾吴致仕去者陽美萬宗伯而海虞陳奉常則以病告 哉然其志意之所在不自言者人亦莫得而測也先是 心者吾所以論士大夫出處進退之際韓退之曾子固 職必欲以有所為不異往時為給事少年鋒銳之時亦 去二公皆知吾者公還其以吾文示之其必有當於其 可以稱為得盡其職矣一旦引年以去追不謂之高家 及起廢四遷至今官其在寺所建明多可紀要之居其 體具請故還大禮大獻諸得罪臣止禱祠尤時所難言 震川集

嘉靖癸丑之春余與子雲北上自句曲入南都渡江時 之所未及也 風 **植勁千里積雪過清流關馬行高山上相** 送許子雲之任分宜序 典 俳 和回

金

页四月全書

以為得作一令寧使夫人至於此而子雲為人寬厚有 四望而數息至徐沛間水潦方盛流完滿道私心惻然

利四方之士與會逆旅中飲酒別去依依有情余以是

度居鄉時八多愛之行役所至視損舎食飲不自取便

於至日華全書 相之望慰矣外是何求哉令世民俗吏治益不如古當 願天子與二三大臣留意郡縣慎擇守令庶幾有反朴 推之為令無不可也夫宰相求治其縣而已縣治而宰 難矣古稱江湖之間山水清遠民俗敦茂易以為治不 訪數日得子雲於四百人之中子雲所以副其望者亦 識子雲之賢益同行者四人而子雲獨登第明年得東 知今與古何如而獨知子雲所以居鄉與人者以此心 州之分宜議者以分宜為今宰相之鄉求其為令者咨 震川集

情甚狎今而尊嚴若神遇事操切暴無所縱貸益昔之 侵匿所在有之今則芝夷搜扶殆無遺力吏之與民其 務號為振舉而天下之氣亦以索矣如豪民武斷田稅 者莫盛於此時今之文吏一切以意穿鑿專求聲續庶 然然不格姦益國家太平之業比隆於成康文景之世 為者非矣而天下之民常安田常均而法常行今之為 還淳之漸聞之長老云往者憲孝之際禁網疏濶吏治 者是矣而天下之民常不安田常不均而法常不行此

告陸子潜先生在黄門論奏多所建明而文章一去吴 子之大臣非私一鄉益舉子雲以風天下使天下為吏 者知其意之有所在也 之名者有冥冥之功子雲之道近之吾懼其以為居官 與平音異而稍變易其度故於其行而勉之且以為天 可以思其故也已無察察之政者有醇醇之德無赫赫 靡麗之習要歸於古雅以余之鄙拙亟為先生之所 送陸嗣孫之任武康序 度川集

憐也長洲之陸文學功業住往有聞於世嗣孫號為其 為令於此不離鄉郡蒞治之餘得以奉其尊君汎舟三 家才子弟宜得顯仕而今年以親老謁選天曹出軍湖 萬六千項之中曲限廷嶺尋仙靈之所棲採芳樹甘歌 即古會務一郡之地武康又其州下邑僻在湖澳嗣孫 之武康太湖浸匯三州湖州與吾郡皆瀕湖壤界相連 九年與余同鄉為數相從試於南宫又數屈於有司相 定匹庫全書 許顧恨不獲一日從之遊而其從子嗣孫於嘉靖十

千里之外何以一日安也嗣孫既得奉具親而優游倘 事無大小必得所處其或不然而徒鬱鬱以居何異羅 騏驥而盤鳳凰也其能有所為乎今世仕者其親在數 之要以責於能適其意意的適則凡所措置精神丰采 如嗣孫者益少又余之所感而歎者也 舞進鶴以為散豈不足自適哉夫人之所處無問其所 湖山之間各知武康之政宜有以異於人矣同年中 贈俞宜黄序 震川集

ところ

Ē ٠ 5

丰

司之所奏罷者固不論至其所薦舉必極其褒美雖古 命未及三載報遷去而課具賢不肯悉聽於監司凡監 國家於州縣之吏多從布衣諸生選任寄之以百里之 猶故也而未有稱治者如此則吏之賢否果皆其實乎 之篇者過襲黃卓魯逐矣然及其選以去也其為州縣 之龔黃卓魯無以過夫龔黃卓魯未必一歲而成則今 抑其為名者之多那而上亦以名求之而已其於民果 何益也余識宣平前君君為無之宜黄獨其志汲汲於

たこう 黄推賢矣雖然君亦有遇馬夫縣之士大夫為士民之 為之無不解治至其為政义持平恕則令之吏吾於宜 政無不悉舉凡此皆非今之所以為吏課者君獨沒沒 堂具知吾政尤明於監司然尚非其人未有不以私故 君為縣草創而能視如家事自神祠學舎縣解橋梁之 民而無意於為名然而名亦歸之至考其實則惟以平 **挽法者其求於有司者無已也稍不如其欲而毀隨之** 恕為心而未嘗刻震以求一切宜黃在山中數燬於兵 5 data (震用集

矣宜黄之仕者益少而令少司馬譚公獨能散其家而 盛德與吾友之賢非獨宜黃之吏治獨善於今世云戊 譽不明而監司亦無以得其實吾友将子徵在臨川與 得罪者矣至於比縣之吏亦以娼嫉傾排者多以故致 而為之延譽君於是日司馬公如此吾於監司自今無 行既通而名譽不着友之過也余以是又仰少司馬之 聽於吏之治其於有司無求也故無怨馬且又加敬 相愛雅故推數之君以此益得展其志穀梁子曰志

欽定四庫全書 覆者何限古者盛治之極至於鰥寡無益况於其人近 之耳目欲周知天下士人之衆則人才不能自達者有 所共知獨赦乎其上而有不達者則四海之內其所隐 天下之治恒係乎人情之達與不達舉目前之近人之 辰之春與君同入戰選共舟因得熟語而備知之渡江 在於目前者乎今天下之官一命皆總於吏部以數人 将别書以為贈 送福建按察司王知事序 震川县

矣其鹿胃而莫為之覺遭誣而莫為之理者有矣書日 錄事九載陞南京光禄署丞尋有人欲得其處者亦選 此周之所以盛也太倉王君以太學高第選為上林苑 大常伯常任準人固其重者至於綴衣虎賣亦加 受代其人乃復從吏部得暴州同知之機子王君乃去 為署丞以逼王君是時王君先入署已三月無除目不 王左右常伯常任準人綴衣虎賣嗚呼休兹知恤鮮哉 而代者從後媒孽之以考察當調王若於是家居久之 知恤

於 NE 日 和 人 Land 誠又與余同舉進士用是書之以寵其行且以數令世 守二千石皆與抗禮於外省為清階益吏部之直王君 吾崑山故境而王君與余家世有姻好今年其從弟 者如此王君家世科目顯貴為人有才藝歷上林九載 建按察司知事知事於州倅品秩為降然衣易衣自郡 也而天子之大臣乃能知恤之可謂不遐遺矣太倉實 以最壁為太官三月以過滴此人所以為王君不直者 以今年赴部冢宰知王君之冤業已在調例乃除為福 震川集

グロ 命而能自達於上者如此也

音余初來京師見前華長者言吾縣風俗之厚時邑之 靖公顧文康公皆在翰苑然凡同鄉之士自九卿下至 **縉紳在列位者至與大省将毛文簡公為大宗伯未恭** 送北城副兵馬指揮使周君序

六館學士與諸從事有扶者在京師遇有鄉色慶質皆

縣名叙會不以扶之高庫相别異益謂余時之所見固 異於前矣今數年來諸公皆已謝世具居顯任為京朝

歷事憲臺官長與其同舎皆器之為人温恭孝友又諸 接亟来請因為序之君少有美姿為膠库之秀性成均 寄諸公皆往為買又徵余文為送之赴任而親友陸小 易風俗而余友喜秋官誠源張給事虚江皆敦尚高誼 衰也今年余幸登第同時舉者三四人皆相勉以厚道 於鄉曲尤厚於是周君漢卿以太學生調北城徵循之 公之所敬爱非特鄉曲之私而已是為序 官者已落落無復往時之盛而鄉曲之誼亦不能無必 震川其

飲定四庫全書 !

凡為天下之用必資乎賢與才國家之所以孳孳而求 之重禄高位以待之益為此至求其實乃有不然者士 惟鏡構者也其大者為輔相卿佐近者為郎者諫諍獻 已者而值其異乎已者以此天下之真賢與才未有不 大則顛頭愈甚惟不見其賢與才不求稱其職也混混 納之臣為岳牧州縣果有所負則必遭顛躓其所負愈 而果賢與才必將有以自見而新稱其職常不得同乎 送吴祠部之官留都序

体時有之至於與世無是非委隨狗俗終其身安享禄 途而莫或尼之此自古有志之士出而用世其爱虞困 而已世必争譽之其爵愈高其禄愈重安行乎順利之 於朝也雖然今天下治平庶政頗號嚴切惟獨銓部之 屬震踔炳朗宣耀威爱行於一州尋有郡倅之遷威爱 所謂以賢與才自見者於是有州倅之選其在吾州風 位者比比也考豐吴侯樂進士司理建寧召入為祠部 又行於一郡如是其賢與才之可見者宜乎不能久 之川美

重地才賢之高選非古遷人之比余觀唐史自中朝出 急也余於是樂吴侯之升也侯為吴與右族再世登朝 為外州多在嶺海絕徼之區至終其身望還而不可得 遷遂復入郎署則朝廷之用人寬大爱惜天下之才賢 具有量移者皆謂為曠蕩之思今侯為州郡一歲中三 賢與才稍挫抑矣旋復大用以此知朝廷用賢與才之 其又異於古矣故當謂士之用世不挫抑不足以見其 調猶持大禮侯雖外補然若吾鄉之州若郡皆畿輔

金定四庫全書 昔周成王之時召公告老周公留之日者造德不降我 襄我二人其汝克敬德明我俊民在讓後人於丕時古 之大臣以身繁天下之重雖其老而欲去而不得遂其 則鳴鳥不聞告君乃献裕我不以後人迷又日余惟日 屬侯在太倉感侯之德於侯之赴建康也故邀余為序 籍父兄皆為顧官侯方以盛年繼武而起居吴不久而 吴人咸懷之余友潘京兆與侯之兄憲副君嘗為東郡 贈石川先生序 ととりま

為高夫是以用之不盡其才休而息之不待其年則後 世之致仕與古異矣石川張先生為通政司称議九廟 故棄之而不恤其人亦無所與於天下之重故去之以 察也後世君臣之際豈可言哉不以其人繁天下之重 去如此故禮有七十致任之文益精神血氣有所不逮 上之人思休而息之非棄之也下之人以其倦而求歸 大臣得自陳致仕先生例未得自陳即上書引去悠 以為高也至於不得遂其去雖其自留而不以為不

飲定四車全書 昔孔子之門人皆輔相天下之姿而以其才試於大夫 息老之解竊謂未盡其意故稱古者致仕之義以為言 故子西言於楚昭王以為王之輔相將即官尹及使諸 之家益由其小可以知其大施於一方而天下可推也 年始六十有光辱以姻末稱賜堂下周覽聲間之文多 不盡之才當未可以休而息之之年也己已之歲先生 然自放於吴越山水之間世之君子稱其達而惜其以 贈給事中劉侯北上序 震川集 手町

守相有治理者以次用之至如東京卓茂劉矩之徒無 寬皆儒者通於世務以經術師吏治天子器之仲舒自 子弟為佐可以王天下益皆常試於其小而知之也後 不位至三公即其仁信篤誠感物行化真宰相之器也 世循吏之名始自西漢江都相董仲舒內史公孫弘兒 **侯無有如顏淵子路宰予子貢者以孔子據有土壤而** 郡劉侯某舉進士為温之瑞安自士大夫至於問 而弘寬皆至三公其後公卿有缺必選所表郡國

人才亦有宜於小不能其大者黄霸之治顏川是也余 侯之所以治邑者以之為天下無所不可也然天下之 卷之小民無不得其惟心其所與革便於民者有八事 田適侯在瑞安之日而瑞安至青田止一舎管往來其 獨以知侯之無所不可則既親見而得之矣某為教青 也入為吏科給事中天子亦将以公卿處之矣某以為 之民無不至馬則劉侯豈非古所謂循吏者耶侯之召 之謠及被召之日奔走攀號填溢街巷温之屬縣鄰界

飲定四事全書

震川集

黄

縣候館賽鎮將饋之禮無不畢給而虚已下士不問於 遊東塔山觀海比明登山則道士已出近飯饋皆具矣 微賤以某之蹇拙淪落而侍之有加馬某當夜解侯去 麻思還真州請於王猛猛日東裝行矣至暮而符下及 云前二日已為代翰報監司而學官益未知也晉史稱 瑞安之學官以公罪當輸金力未能償因某以為言侯 不皆然猛所以為霸王之器以此某以是知侯之才疑 關郡縣皆已被行其令行禁止無留事至於鐵悉莫


吸名至暮而远意甚惟然後康甫登第余獲薦於鄉 造汝積汝積方家居授徒至則余三人相對無一語但 余少時與李康甫遊廉甫與汝積尤親善時邀余出郭 以為不獨侯之知某而某之所以知侯者无深也 有南太學之命侯未幾尋北上因書此以贈其行益自 之古人可以無愧嘉靖三十七年春侯請告還家其商 汝積在郡膠二十餘年始以貢計偕北上是時廉甫以 贈戚汝積分数大梁序 寒川具

新定四庫全書 · 聚而汝積已得開封之司訓以去廉甫方病在告余竟 都御史自江陵還臺余將試春官意吾三人者復當相 京邑之嚴藩省之富與夫黄河之壮而不得一往今汝 落落而歸已而康甫卒於鄆州以余之無似不足為道 始出仕則士之窮達蚤暮不可以一緊論也始余過徐 而汝積抱有用之才淹抑至此迨康甫之沒世汝積方 大梁夷門東苑平臺之故迹及前古帝王之陵寝近世 問黃河道所自舟人往往西指遡河入汴梁處獨念 卷2 十)

欽定四車全書 惠於不能遂而或有累高致至之危汝積居名都日觀 其師行未及有贈會其子揚將至大梁請余為序以 這不得相與共戴康甫今日遂無此日月吾徒居世隨 仲尼廟堂陳祖豆與諸主揖讓其間講論六藝之文音 所在盡吾事而已他尚何求哉汝積所教縣中子弟以 積旦夕游馬且以温良敦厚之器以作成大梁之士其 亦有足樂者矣士所志於天下其大者树熟績於世常 所謂擇官而仕未有適於此也恨余與汝積南北非 震川集 補

震川集卷十	And the second s		- Andrews - Andr	送行之闕云
+	÷			老十

謹案卷九第二十六頁後六行庫庫特移圖舊作 擴廓帖木兩今改





腃

鍒

憨

鍒

總校官庶吉士

校

對官庶吉士 監 監 生 生臣 臣 臣 臣 劉賛 王思 李 涱 廷 化 私 銰